

TXIRRINDULARITZA

Touurreko antolatzaileek euskara erabiliko dute aurreneko etapetan

DONOSTIA

Societe Tour de France euskara erabiltzeko ahal duen guztia egingo du probako lehenengo etapetan, Euskal Herrian zehar korrituko diren etapetan hain zuzen ere. Jean Marie Leblanc, Societe Tour de Franceko zuzendari nagusiak herenegun Donostian emandako prentsaurrekoan adierazi zuenez, «euskara ahal den neurrian» erabiliko da, pertsona bakoitzaren sentsibilitatea errespetatu nahian. «Gure dokumentazioan ahal den neurrian, euskera agertzeko ahaleginak egin ditugu, pertsona bakoitzaren sentsibilitatea errespetatzeko. Adibidez, Touurreko Gida Berezia euskara azalduko da erdararekin batera».

Herri Batasunak duela gutxi azalduko agirian zioenez, Touurrean arazorik ez sortzeko baldintza batzuk ziurtatu behar zituzten 'Grande Boucleko' antolatzaileek,

euskara erbiltzea, ikurrina erabili ahal izatea eta manifestazio batzuk onartzea hain zuzen ere. Jean Marie Leblanc hitzetan, beraiek ezer gutxi egin dezakete. «Gehiago ezin dugu egin, euskara ez bait dakigu. Baina ados nago Batzorde Lokalarekin. Lokutoreek erdara, euskara eta ahal izanez gero, frantsesa ere jakin behar lukete».

Touurreko zuzendariaren esanetan, denon artean Tourra hasiera batean pentsatu bezala izateko elkarlana beharrezkoa izango da. «Societe Tour de France, Batzorde Lokala eta gainontzekoen artean Tourra pentsatu bezala ateratzea lortu behar dugu, festa handia izateko».

Marino Lejarreta izango da gonbidatu nagusia, Tourra Euskal Herrian dagoen bitartean. Leblanc aditza eman zuenez, «uztailaren lehen etortzen garenean, Marino bisitatzea izango da lehenengo lana».

Espainiako tropeleko txirrindulari onenak izango dira Laudioko proban

DONOSTIA

Abuztuaren 29an jokatu den Laudioko Txirrindularitza Sari Nagusia «mundialurreko proba» izango da, atzo Enrique Martinez Heredia, Espainiako selekzionatzaileak ziurtatu zuenez. Martinez Heredia Laudioko Txirrindularitza Elkarteko ki-deekin bildu zen karrerari buruzko arazo guztiak eztabaidatu eta edizio honetako ibilbidearen onspena agertzeko.

Laudioko Sari Nagusi honetan Espainiako tropeleko figura guztiak izango dira, astebe beranduago Benidormen jokatu den Munduko Txapelketa prestatzeko erabiliko bait dute selekzionatuek. Enrique Martinez Heredia berak aztertu zuen zirkuitua eta Espainiako selekzioa bertan izango dela ziurtatu zuen. Beraz, Araban korritzen den profesioaletako proba bakarrak goi mailako partaidetza izango du aurrean.

FUTBOLA

Jan Urban ez da Las Gaunasen izanen heldu den larunbatean

Aurrelari poloniarraren orkatilak Osasuna promoziora hurbiltzen du

Jan Urbanek ezin izanen du jokatu datorren larunbatean gorritxoek Las Gaunasen jokatu duten partidua, handituta bait dauka eskuineko orkatila. Osasuna eta Logroñesen arteko partidua hau, larunbatean ilunabarreko zortzietatik aurrera zuzenean eskainiko dute ETBk eta TVE2k.

J.K.L. / IRUÑEA

Jan Urban aurrelari poloniarra ezin izanen dela datorren larunbatean zelairatu garbi geratu zen atzo Taxoaren. Eskuineko orkatilan duen mina dela eta, aurrelari gorritxoa atzo Taxoarera jaitsi zen lesioa osatzeko behar duen tratamendua jasotzera. Poloniarak handituta zeukan eskuineko oina, eta ez dirudi larunbatean jokatzetik izanen duenik. Dena den, Deportiboren aurkako norgehiagokan parte hartzeko aukera izanen duela espero dute Taxoareko medikuek.

JOKALARI
ASKOTXO
ARAZOEKIN

Joan den larunbateko partidua dela eta, Robertok ere arazo fisikoak ditu. Atezainaren kasuan ordea, Las Gaunasen arazorik gabe arituko dela ematen du. Roberto, Unanua eta Barber atezainekin batera entrenatzen izan zen atzo, eta besteek baino entrenamendu arinagoa egin zuen arren, larunbatean jokatzeko egoera onean izanen dela agertu zuen Zabalkak.

Ibañezek oraindik ere min apur bat du orkatilan, eta atzoko



Orkatilako arazoak larriagotu egin zaizkio Urbani.

entrenamenduan ez zuen baloirik ukitu. Dena den, gorritxoek kapitainak gaurkoan entrenamendua normaltasun osoz —baloi eta guzti— egingo duela ziurtatu zuen atzo. Txomin Larraizarek ere atzo entrenamendu lasaia egin zuen, baloirik ukitu gabe. Larraiz anaietako zaharrena estu eta larri dabil abduktoreetan dituen minak direla eta. Sola eta Cholo batera entrenatzen ari ziren oso modu lasaian. Solak ezin izan zuen entrenamendua egin, giharreetako lesioek eragiten ohi dituzten minak zirela eta, eta badirudi bi jokalariek ezin izanen dutela denboraldi honetan partidua gehiago jokatu.

Osasuna eta Logroñesen arte-

ko norgehiagoka larunbatean jokatu dela erabaki zuen atzo Espainiako Futbol Liga Profesionalak (LFP). Horrela, Zabalkak eta bere gizonak egun bat gutxiago izanen dute Las Gaunaseko partidua prestatzeko. Gorritxoak oraindik ere promozioa jokatzeko arriskuan daude, eta larunbatean jokatzeko desabantaila nabaria izanen da nafarren tzat. Horixe bera ageri zuen atzo Zabalkak Taxoaren. «Nahiago nuke Coruña larunbatean jokatzeko, eta ez guk. Larunbatean Deportibok etxean Atletico de Madriden aurka irabazten badu, eta guk etxetik kanpo galtzen badugu azken partiduan promozioa izanen da jokoa».

Billabona zigortu egin du Athleticetik
Ramon de Carranzan txiza egiteagatik

RAMON BASALDUA / BILBO

Athletic taldeko arduradunek, diru zigor nabarmena jarri diote David Billabonari, jokalaririk honen iragan igandean Ramon de Carranzan Athleticetik Cadizen kontra jokatu zuen partiduan egin zuenagatik. Billabonak txiza egin zuen Kikeren ate ondoan, bigarren zatia hastear zegoela. Jose Julian Lertxundik zuzentzen duen batzordeak ez du begi onez ikusi Irungo jokalariek egin zuena eta diru zigor nabarmena ezarri dio.

Honako hauek dira Billabonak esandako hitzak: «Ez nuen Cadizeko zalegoa iraindu nahi. Txiza egiteko gogoia nuen eta epailea bigarren zatia hasiera ematera zihoala ikusi nuenez, porteria atzean egitea besterik ez zitzaiz-

dan bururatu. Ez dut uste berriro horrelakorik berriro gertatuko zaidanik».

Taldeko arduradunak haserre agertu ziren, Billabonak Ramon de Carranzan eginikoa Athleticen irudiarentzat kaltegarria izan daitekeelako. «Beti ari gara taldearen irudia zaintzen eta ezin dugu inondik eta inora onartu jokalaririk honek egin duena. Horrekin batera, partiduko epaileak kanporatu egin zezakeen, egin zuenagatik». Athleticen zuzendaritzak Billabonari zigorra ezarri aurretik Txutxi Aranguren entrenatzaileak esan zuenez, «haren jarrera ezohizkoa eta normal antzik gabekoa izan zen. Zigorra jarri ala ez zuzendaritza batzordeak erabaki behar du, baina iritzia eskatzen badidate, ni zigorraren aldekoa naiz».



David Billabona.

XOUSE SIMAL



SAN MAMES FUTBOL ZELAIA

Igandean, maiatzak 31, 19:00etan
Liga Txapelketa, 1. Maila

ATHLETIC CLUB - REAL VALLADOLID

TXARTEL SALMENTA

TXARTELDEGIA: SAN MAMES STADIUMean

Ostirala, 17:30etik 20:00etara

Larunbata, 10:30etik 13:30era eta 17:30etik 20:00etara

Igandea, 10:30etik 13:30era eta 17:30etik aurrera

EZAUGARRIA: "G" TXARTELERIA

Lezamako Kirol Instalazioak

Igandean, maiatzak 31, 11:30ean

Gazteen Ohorezko Maila

Bilbao A.C. - C.D. La Braña

LANCIA



BILASA rekin dabil

Athletic

Autonomia, 53 Tf. 427 58 20 BILBO Alameda Rekalde, 48 Tf. 410 12 55